

Por: Pepy Clavijo

## POESÍAS

### LABIRINTO DE MOGOR

Labirinto de Mogor,  
coñecido en todo o mundo  
abandonado hai anos,  
preto estás de San Xurxo.

Petroglifo de Mogor,  
de granito miúdo gran,  
quizais canteira anerga  
con belos sucos... coidados.

Na porta está a Cruz,  
un oco no centro tes,  
cinco aneles sinxelos  
cazarolas... prehistoria.

Pedra moura enfeitizada  
chamábanche hai anos,  
mitolóxica argola  
esquecida... quizais gañada.

Movemento do xadrez,  
que a partida resolve,  
desde o Novo Mundo a Creta,  
desde Irlanda a Pontevedra.

Pesadelo circular,  
coma o xogo da Oca,  
expresión particular,  
e tiro porque... me toca.

Labirinto de Mogor,  
de atopados sentimentos  
remuíño de paixón  
co sorriso... nos beizos.

Moitos faloron de ti  
desde Dragó ata Atienza  
desde Blanco a De la Peña.

Máis hoxe son eu desde aquí  
neste sinxelo poema,  
quen fala con ledicia  
quen fala en lingua galega.



Petroglifo Laberinto de Mogor

### “ESCUMA”

Escuma branca  
que á area chegas  
e os pés me mollas,  
envolvéndome na túa risa  
cun doce bico.

Escuma branca  
que vés cara a min  
mergullándome nas túas ondas,  
mollándome os pés na praia  
coa túa doce risa.

Escuma branca  
que vés á praia  
mollándome toda,  
bícame, envólve-me  
docemente...  
coma unha nai.

### GALICIA SEMPRE GALICIA

¡Galicia!, sempre...  
lembrarei o teu verdor  
porque o meu corazón  
por ti sospira de amor.

Cando te deixe ¡Galicia!  
Terra doce coma a mel  
húmida coma os bicos,  
contigo soñarei unha e outra vez.

Paisaxe infinita  
de terra e mar unidos,  
tarde fresca,  
xardín festivo.

Ceo limpo, ceo claro,  
azul e con luz diáfana,  
unha nube que chegou  
forma a túa bandeira, azul e branca.

En ningún lugar do mundo  
ninguén poderá atopar  
estes fermosos e profundos vales,  
campos para traballar.

Mar e campo unidos  
collidos da man  
altura nos camiños...  
xuntos, coma irmáns.

Vales, montañas, mar,  
beiras de néboa envolta  
camiños que debo andar.

O voo da gaivota  
coas ás tendidas ó vento,  
Galicia garda o segredo  
que che conto en poesía.

Galicia, por fora e por dentro...  
Eu... ¡quérote!, ¡xa te quería!.